

宋集珍本叢刊

第八冊

任繼愈署簽



綫裝書局

四川大學古籍整理研究所 編

儒藏系列

宋集珍本叢刊

第八冊

任繼愈署簽



綏裝書局

中國·北京二〇〇四年

第八冊目錄

宋端明殿學士蔡忠惠公文集（續）	蔡襄	一
邕州小集	清宣統元年晨風閣刊本 陶弼	三二七
元公周先生濂溪集	宋刻本 周惇頤	三三五
古靈先生文集	南宋刻本 陳襄	六四七

宋端明殿學士蔡忠惠公文集卷之九

清裔孫

仕卿諱霞甫
廷魁經五甫

校梓

制誥

中書試金吾衛大將軍除邊鎮節度使制

門下天下之重惟將相之任必在於得人閭外之專有文武之資乃可以屬事眷茲藩屏控夫朔陲開府文書董貔貅百萬之衆被邊亭障實耕桑什伍之人求其遠御之良付以中權之劇厥有成命告于廟朝具官某沈勇本於天資練達通於世務有明敏之智

宋端明殿學士蔡忠惠公文集

卷九

一 宋集珍
本叢刊

臨機而必決有方厚之質自信而不疑久歷官聯關總環衛廉行微巡之道督刺大衆之居士旅勅馴寇攘衰止嘗以清閒之宴與之從容而言亮其忠純授以節制於戲甲兵乃刑之大軍旅以禮爲先爾其察甘苦而周下情明法令而一羣志又綏封畧旌錄勳勞惠愛究於黎元威聲伸於大漠副茲委用勿懈乃心可

中書試禮部尚書除御史大夫制

門下朝廷興治之原法制修明爲大內有公卿臺寺

之衆外有牧守方伯之聯察繩其違第次厥課秦漢而下專委中書祿秩之崇差貳上宰所付茲重惟才之求具官某服先民之言承名家之學文章深厚以華於國行實樸茂以充其中歷侍禁嚴益邵風問嚮居都座嘗典春官傳經決事而甚明飭躬率下而自正是用獨持朝憲彈肅官師夫聲利不詠之謂剛端勁不阿之謂直獻議每形於鯁亮舉邪勿吐於權豪汝服斯猷往勵而屬可

中書試郡國察孝悌力田詔

宋端明殿學士蔡忠惠公文集

卷九

二 宋集珍
本叢刊

勅朕念古先聖人極遠慮而垂大法元元之民其生長也有教育之地故能興行於家力作於埜親族和同愛足以相恤衣食贍給力足以相保然後獄訟衰而盜賊息以格於治平嗚呼其盛也哉自戰國歷秦重利而寡恩孝悌之風薄矜奢而廣欲惰游之手衆驅人於不善率由是已豈斯民之性有所偏異蓋導之之具至與不至耳朕居士民之上一此下有父唯母之司四字內竭至誠奉祖宗而惇族屬外務樸素却侈用而息煩費思與吾人尚本而棄末然而生齒之聚或戾於

親義而困於饑饉者其導之未至歟今郡縣長吏等
朕協力而宣化其有孝悌章明勤於田畝可率鄉黨
者其以名聞朕將錄之以風天下

戒勵臣僚奏薦勅

右正言直集賢院同修起居注韓絳奏臣竊見臣
僚奏薦文武官頗或所舉無名所稱不實妄冀朝
命以爲私恩伏恐請託公行重增爵賞之濫此弊
不革爲壺寶深欲望聖慈明降詔書嚴行約束今
後中外臣僚已係擢任若提點刑獄已上竝不得

宋端明殿學士蔡忠惠公文集

卷九

三

宋集珍
本叢刊

薦舉如有所舉無名所稱不實違犯詔旨竝仰御
史臺察訪事由彈奏伏乞重行朝典候勅旨兼近
年以來中外臣僚奏舉官員內有人品庸常薦章
交上亦有宿負罪累迹狀醜濫者乞行雪復奉聖
旨令降勅戒勵

勅朕制臨天下思與賢材而共治之故開薦舉之路
又於羣臣無有疑間故所薦舉多亦陞任然比年以
來或所薦者材資茸薄加之品目下人遠甚然有公
卿交牘稱道或宿愆醜濫曾非據註請行湔復或職

任疏遠不稱重輕引援清近迹其本源豈非造請銜
鬻者傍依權門無廉恥之行交結恩私者苟蔑王爵
無公共之志不然何以臻此不知不賢而言之茲曰
蔽惑知其不可而言之茲曰欺罔左右官師懷此事
上嗟予何賴誠心未孚遂置一作加於法朕甚愧焉
其令御史臺察訪中外臣僚奏薦如有所舉非其人
者立須彈奏必行之罰宜自近重茲伸警尚體予意
廣南轉運使元絳奏南海洪聖廣利王獠賊至
廣州城下官吏等屢禱有應乞加崇顯之號奉

宋端明殿學士蔡忠惠公文集

卷九

四

宋集珍
本叢刊

聖旨特封昭順王制

皇祐
五年

勅易載害盈益謙之旨蓋神道正直必有輔於教也
厥有陰相吾民沮遏兇醜應荅明白不列美稱曷以
揚神之休南海洪聖廣利王惟王廟食尊爵表于炎
區年既遠矣唐韓愈記稱神次最貴且有福禍之驗
國家秩禮祀等尤高康定中朕嘗增王徽名牲幣選
數罔不稱是今轉運使絳言廼者儼僚狂悖暴集三
水中流颶起舟雷三日逮至城闔廣已守備火攻甚
急大風還燄閉門渴飲澍雨而足變恠屢見賊懼西

邈州人咸曰王其恤我者耶朕念顯靈佐順靡德不酬其加王以昭順之號神其歆茲顯寵萬有千載永庇南服

勅 廣南東西十一路轉運使提點刑獄揀放配軍

勅朕臨馭海內念憂元元冒以至仁期於遂性比因郊祀赦宥辟刑顧惟羈隸之人特解錮畱之負或能悛省不仍舊轍者遷移便地或加癯老不能自力者去籍遣原列郡守符監州使傳悉心按視以稱朕懷

宋端明殿學士蔡忠惠公文集

卷九

五

宋集珍
本叢刊

皇姪故左衛屯大將軍信州團練使從質可贈

觀察使追封侯制

朕惟至治之主本於仁愛內澤宗族以化於下矧予是弟之子親於屬籍年不克永朕甚悼焉具官某忠恪以立朝信厚以行已久更環衛薦歷歲月休有令善著于羣聽今其殞逝重以優恤增廉使之秩啓侯社之封飾終之恩於斯爲厚惟汝之靈歆是嘉寵

司農少卿致仕呂士宗男克禮可將仕郎試祕

書省校書郎制

以爾父久歷煩使方茲引年命汝以官往試祕省夫仕宦善歸而嗣子有祿始終之典可謂厚矣汝其勉勵以稱恩寵

前光化軍乾德縣令同監秦州西溪鎮鹽倉徐介前湖州觀察推官監台州黃巖鹽監張佃可竝著作佐郎制

勅國家爵賞之設以待賢才計秩遷官殊非本意然殿則有罪而最或不遷又非所以馭吏之法也爾等竝緣保薦分幹權利校課所當宜在陟典夫先中文詞之科今列課述之局其資盛茂爾宜勉之

宋端明殿學士蔡忠惠公文集

卷九

六

宋集珍
本叢刊

追官人前朝奉郎成端夫行太常寺奉禮郎制

勅具官坐墨奪官理宜廢棄屢更歲月或能省循敘還京司實爲恩渥勉新制故以務後圖

尚書兵部員外郎直史館知滄州田京可工部

郎中餘依舊制

勅具官廼者大河之北遭罹水患板戶貧困冗散旁郡朕甚愍焉屢勅所部每加矜恤人情懷土而未聞還集汝京所守濱海都會襟帶之固兵民所聚而能

上體予懷下究民隱申慰勞來歸占者衆使者條舉
願爲褒異文昌草議起部要司命汝踐之用爲增秩
夫計功實與累日月而遷者固有異矣汝念此意撫
安居人可

龍圖閣直學士起居舍人李絢遺表男將仕郎
守將作監主簿程特授太常寺大祝男程特授
將仕郎守將作監主簿制

勅某官某男某等朕念乃父早中科選以文華深厚
而居詞命之職以材智聰明而付浩穰之治方膺外
補奄爾淪逝錄其嗣子以伸予懷或遷與禮臺或麗
名匠寺竝爲優寵勉自進修

宋端明殿學士蔡忠惠公文集

卷九

七

宋集珍
本叢刊

儒林郎守雅州錄事叅軍兼司法事田九思特
授太子中舍致仕將仕郎守眞定府平山縣主
簿宋象特授守國子監丞致仕制

勅具官爾等久歷州縣願還官政念其退止宜伸恩
典或進與官坊或叅名庠序持此以歸示於閭里亦
足以爲光榮也

兵部員外郎知制誥胡某可依前兵部員外郎

充翰林侍讀學士仍舊判銓制

勅朕念君人者左右前後皆正人則諷諭顧問之間
莫不循於治道故侍從之臣心在精擇而况觀學之
職尤其重者自非飭躬端慎濟以文業則不與其選
也具官某勁清有守臨事不回記問該闊屬詞精敏
久居禁掖日有嘉稱今命爾以金華之要爾其考聖
人之言攬前史之載有以發智慮之明作安危之鑑
者附當世之事而爲朕論之使授受之際謂之得人
豈不美歟

宋端明殿學士蔡忠惠公文集

卷九

八

宋集珍
本叢刊

兵部員外郎知制誥何某可依前兵部員外郎
充龍圖閣直學士知秦州制

勅朕惟關陝之右冀門爲重內宿兵師百萬之衆有
政令之決外連羗夷千里之遠有綏安之畧必欲恩
威行而士伍服信義著而種落附非有文武之資者
不可以輕授具官某爾以文雅中詞科以智敏被器
使典訓誥之職而復於深厚歷官守之政而濟之果
斷會秦闕帥慎擇其人惟汝之能斯可往治輟自禁
垣之要增以內閣之嚴若夫入叅侍從之聯出委藩

翰之寄士林華選爾實兼之隴道之雄爲天下首講
訓綏輯控制外虞使朕無西顧之慮者爾其望也勉
楸勳績以稱休命

奏舉人前邗州錄事參軍褚士言奏舉人前路
州上黨縣令王世範竝可大理寺丞制

勅具官某等天下郡縣之吏其員以千萬數材之與
否莫可周知惟監司長吏以善狀保薦者則校閱
而升獎之以勵能者爾等効官有勞而舉者又以連
罪爲任往丞棘寺竝爲優陟夙夜思省以答茂恩

宋端明殿學士蔡忠惠公文集

卷九

九

宋集珍
本叢刊

追官人李君俞授大理評事制

勅使汝爲倉庾之吏而粟不可食奪免一官

一作方以

戒不職今所監之司皆曰向以西事應猝便辦蓋無
他腸又所輸粟移之秣飼厥數不減屢更郊赦之澤
請還京寺之僚吾其從之爾當自省

前宿州臨渙縣令郝周授太子中舍致仕制

勅具官某受吾俸祿驅馳州縣至於衰老今其歸也
可不念其力乎遷與儲坊爲爾光寵

未復舊官人內殿崇班李昭素復內殿承制制

勅某汝嘗失刑民死非罪奪官既久省咎則多復禁
省之舊聯實朝家之優渥勉遵成憲勿蹈前爲

如京副使兼開門通事舍人侯宗亮可特授西
上閣門副使制

勅具官某帝者日臨法宮以朝羣臣宴御便坐以講
庶務臚傳辭令之美贊相規儀之多惟二閣之權允
各一作司其事予欲擇其能者非敦良敏茂之人莫能

勝其任也以爾某資性恪毅器質淵通周旋軒陛之
閒屢更寒暑之變宜納夙夜罔有不勤出入禁嚴罔

宋端明殿學士蔡忠惠公文集

卷九

十

宋集珍
本叢刊

有不慎敘爾績効進貳使名朕左右之人所籍者雖
衆要近之職得與者無幾汝益修勵以稱寵靈

前開封府祥符縣尉趙借可著作佐郎前趙州

錄事參軍范孝思可大理寺丞制

勅具官某等郡縣之下勤勞職事歲考滋久而能謹
檢操履爲保任者所知朕常與進用以勸焉爾等咸
有吏資著于銓筦條列績閎當於陟典或參祕邱之
選或進理寺之名各服寵章益邵來效

故大府卿畢世長男試將作監主簿從益可授

守將作監主簿制

勅具官某男某以蔭入仕深歷年所進列卿位屢更藩翰因其淪逝閱其子姓一門之內咸列官簿然恤孤之典朕乃不忘唯爾從益頃試匠寺今與卽眞爾毋不勤以隆寵命

東頭供奉官薛讓可內殿崇班制

勅具官某向以馳騁邊障將命往還旣涉歲月不亦勞止升聯殿陞視秩朝闈茲爲褒渥之隆用勗官成之効往欽爾次無怠厥修

宋端明殿學士蔡忠惠公文集

卷九

十一

宋集珍
本叢刊

江州彭澤主簿閻旦可守國子監丞致仕制

勅具官某占名中銓逮于暮齒謝還官政退休其家念爾知止進丞上庠往服茂恩以安汝志

故廣惠等八州沿海都大捉賊西京左藏庫副

使武日宣宜特贈忠州刺史制

勅具官某綏懷之德不及蠻獠至使拔其種類冠鈔嶺外徑趨清海鋒氣尚銳爾惟邏巡之職實司翦捕而能忠果挺志勇毅自奮身先士伍轉戰不已兵力失利効於圖格遠聞予聽終夕悼惻特推恤典列於

刺部忠魂如在歆此哀寵

故知封州殿中丞曹觀宜特贈太常少卿知康州贊善大夫趙師旦宜特贈光祿少卿制

五嶺之表面內以來南連海濱西屬蠻峒未嘗有鳴桴之警故守封之臣幸其無事莫爲戰備廼者獠衆猖悖乘襲疆場爾等竝分符竹對典州郡當賊鋒銳亡身殉國嗟乎城池不足以爲固甲兵不足以爲衛陷於非命傷惻良甚恤恩之厚竝貳卿列汝其有知承朕此意

宋端明殿學士蔡忠惠公文集

卷九

十二

宋集珍
本叢刊

故乾州安遠會昌縣巡檢口禁董玉等宜竝特

贈禮賓使故賀州管界巡檢殿直趙允明等宜竝特贈南作坊使制

勅具官某國家設警巡之職用以誅磔寇盜撫安人民有能死其官者朕嘗旌異追進名爵收錄子孫所以表忠義也蠻方猾橫弄兵嶠外爾等咸以忠勇疾憤狂寇擊刺襲躡遭罹不幸朕爲人父母而使汝等身膏草野妻孥望祭萬里之外心焉哀惻其何已耶特寵使名以慰幽路靈其不泯歆我嘉命

廣南西路鈴轄下提殺故奉職甚用和宜特贈
內殿承制指使三班差使張亢等宜竝特贈內
殿崇班制

勅具官有生而死磨滅者衆爲忠魂蒙烈雖沒不忘
汝等參於裨校往捕寇攘矢石之閒殞其軀命朕心
哀愍特優恩恤追榮近墀賁終幽窆冀爾靈魂享是
嘉寵

故賀州司理叅軍劉冕宜特贈左贊善大夫故
英州攝官李稹宜特贈光祿寺丞制

宋端明殿學士蔡忠惠公文集

卷九

十三

宋集珍
本叢刊

勅具官某等竝爲嶺外州縣之吏屬以蠻峒猺蠆毒
我列郡恃兵跳梁殺辱紳笏汝等竝懷忠節捨生不
屈朕惻然義之特行哀恤追褒官家榮贈宗司靈其
歆之良慰汝志

步軍副都指揮使觀察使張茂實可馬軍副都
指揮使節度觀察畱後制

天下之本在於京師而宸極之下必有材勇之士居
則拱扈威陣出則番茂外國分建三帥以治其政茲
率故典厥惟舊矣今予有百千萬數精銳熊虎之衆

曾是強毅有能爲予訓忠義之節明法令之禁者吾
其用之具官某有沉敏之才通夫將畧有謹厚之行
達于予聞擢領萃屯翊侍軒陛惟時早夜罔違靖恭
遷兩使畱務之名總萬騎選鋒之勝車田符籍爾則
專之噫以嚴一衆其術匪難服于衆心其道匪易平
直無頗情乃上貢廉明不撓惠乃下究委注惟重欽
哉惟承

馬軍都虞候王凱可殿前都虞候步軍都虞候
王達可馬軍都虞候制

宋端明殿學士蔡忠惠公文集

卷九

十四

宋集珍
本叢刊

勅國家列三帥以治拱扈之師設虞度以貳董齊之
政非有一一作得沉武之資敦信之實者無以條理尺籍
嚴威環衛朕嘗於是擇而任之具官某用之邊圉敢
於戰格而服其士伍具官某遣之戍禦奮其材勇而
聲在戎漠咸以勳績分提禁旅藉其能力尚取疆陲
外陪殿陛之崇佐護騎屯之次候奄至重倚信彌親
爾其下達於衆情上裨於長政恭勤一志毋懈厥初
韓絳可右正言依舊直集賢院同修起居注赴
諫院供職制

勅具官某百執事各修其政而諫諍之臣得與國論其職要其責重故難其人先朝命置六員而終不克備朕每擇是官必深慮久之而後行信乎其人之難得也惟爾絳擢在高第屢更器使執心方勁落落自立令易處西省往備諫列若夫罷軟而畏權要附阿以希進用微訐以干譽煩碎以欺俗有一于此茲謂壬人術學通於大體言議中於至理弼違箴闕以補一作不逮知而必爲靡倬後患有出於此茲謂正士予期汝絳作予正士可不楸哉

宋端明殿學士蔡忠惠公文集

卷九

十五

宋集珍
本叢刊

前蘄州黃梅縣令兼監稅申房可潭一作州錄

事叅軍監京山稅制

勅具官某向治征筦最目有勞督儲曹於外邦商美利於劇邑關市之務本以察譏爾屢爲之母或苛撓一作煩

睦州司理叅軍諸葛寘

一作

授試祕書省校書

郎知真州楊子縣事爲捉賊溫州永嘉縣尉韓

鉞可萊州卽墨縣令制

縣道之設尉屏兇盜而護善人所以助令興治者也

空官有罰勅職有賞而勸沮行焉爾等捕除穢奪咸應遷格或試祕省分治劇邑有民有社可以爲政勉楸平直以稱褒典

深州司戶叅軍李宣德

一作

守大理評事致仕

制

勅具官某士之壯則從王事老而歸則教鄉黨未嘗不爲善以助治也汝掾于劇郡逮於暮齒願還官政引臥邱樊遷承京司以需朝渥爾之仕與歸亦有助於治歟可

宋端明殿學士蔡忠惠公文集

卷九

十六

宋集珍
本叢刊

知秦州龍圖閣直學士何中立男景先可特授

將仕郎守將作監丞制

勅具官某男某以爾父輟自禁垣往帥邊服在注倚之尤重必寵數以兼優爰露奏封請任其子命丞工監之列用爲侍從之華勉勵清修以永多慶

范仲淹男純粹等四人授守將作監主簿制

勅故資政殿學士戶部尚書范某男純粹等仲淹素竭忠力勤勞王家不克永年奄爾淪逝嗟其材賢不可見已竝錄子性逮於族親或列名京僚或試秩監

省始終之典予惟不忘清白之訓爾宜自勉

范仲淹親外孫賈公直試將作監主簿制

勅某朕以仲淹勤勞王家忠義一節奄爾淪謝悼于予衷錄其外姻試秩監省勉思所立毋忝異恩

前福州錄事叅軍李守寧特授建州錄事叅軍

監滑州大翟村酒稅前廣州司法叅軍劉汝翼

特授漳州錄事叅軍監陳州南頓縣酒稅制

郡督郵之任蓋所以紀綱政治糾司過忒惟強明幹敏者乃可爲之以汝等嘗歷諸曹復有歲最寵以都

宋端明殿學士蔡忠惠公文集

卷九

十七

宋集珍
本叢刊

掾之目涖于征榷之局夙夜思勉母空厥官

開封府推官屯田員外郎王礪可依前官充開

封府判官尚書度支員外郎孫錫可開封推官

制

勅具官某等材不敏明不能決穰劇志不强果不能糾豪勢法令不通不能繩姦吏賦役不均不能恤百姓予惟京府之職嘗患四者之難故求其人以貳尹政以爾礪雅有吏資嘗叅憲職試能滋久恢然餘裕以爾錫麗名詞館平覆刑書將歷要塗必更幹任竝

佐浩繁之治且觀贊助之方服予訓言以竭忠力

太常少卿新差知宛州徐起可光祿卿制

勅具官某趙魏之域爲天下重宿兵聚粟以鉅萬計汝起向爲使者將漕鄰部輪置金繒以濟須給嘗以陟典減從近歲德推朝渥乃正卿秩宰膳之寄尤爲嚴近勉圖績効以稱嘉寵

知撫州都官員外郎李先轉職方員外郎制

勅具官某爵賞之貴以馭于下凡與遷進必校勞實以爾嘗歷臺署往涖民政績移歲筦居有功伐在法

宋端明殿學士蔡忠惠公文集

卷九

十八

宋集珍
本叢刊

應陟予何嗇焉郎等唯三乃踐以往膺褒前進益祿勤力

三司度支副使兵部員外郎曹永

一作
穎

叔充天

章閣待制知福州制

勅朕念善爲維持之策者運天下如臂使指欲其大小相臨而威令必達故也東南之郡長樂都會表山環海地險而遠八州生聚繫乎總帥非有幹明之資能辦吾事者不可以遣具官某智力精敏應幾必決薦更器任籍有聲稱將漕益部還貳計省而猥繁之

務罔不給肅今屬以方面之重寵以延閣之華爾其
繕除兵械補完城堞懷綏困窮翦遏兇猾使吾人無
愁苦之嘆朝家有專倚之賴朕志惟是爾儀圖之

刑部郎中充天章閣待制知慶州張昇可依前
刑部郎中充龍圖閣直學士知秦州制

勅侍從之臣雖出撫方面每被美名以爲光寵况內
閣之重苟非耆儒厚德或材通器任者不是與也具
官某方嚴出於天性識慮成於學術向在臺省有鯁
亮之稱逮臨邊圉有綏靖之畧朕念冀門鉅屏羗夷
裸處板戶繁富軍旅屯萃今升以祕圖之職屬以隴
道之事汝久蒞戎政備體忠力無復多訓尚服休命
尚書都官員外郎郭申錫可侍御史制

勅郭申錫御史府之職正紀綱繩愆繆外以肅官師
內以獻忠讜名爲清要固難其材朕尚令近臣保薦
庶乎得人知襍御史擇行以爾申錫塞詔擢自郎署
之列往膺柱史之任汝有鯁正之志精通之議必竭
爾慮以達予聞

太常博士趙琪特授尚書屯田員外郎國子博

宋端明殿學士蔡忠惠公文集

卷九

十九

宋集珍
本叢刊

士宋詢特授尚書屯田員外郎制

勅具官某國家遇官人者之意甚厚凡三歲則比其
殿最按其所當而升黜之其閒雖無較然治狀之明
而能廉謹自守者亦不遺也爾等監視州郡或臨縣
邑計年應法用遷爾秩郎官清列推重於世咸務循
勉以稱恩渥

縣尉劉宗旦授錄事參軍監酒制

勅具官某汝尉于縣而能禽誅寇盜謹飭其職攸司
考課當乎賞等升郡紀綱往臨權酷自力來績以報
甄錄之異也

渭州新寨東頭供奉官韓周授內殿崇班制

勅具官某保障之任刺視疆境護防居人幹謹其事
逮夫三歲斯亦勞矣遷與禁墀之列通聯朝著之榮
虔思茂恩以立來効

內殿承制高允元授供備庫副使制

勅具官某祇事內廷素尚忠謹寢延歲筦益著勞能
使介之名禁墀允重特推渥澤俾進崇班勉敦夙夜
之勤庶荷褒遷之寵

宋端明殿學士蔡忠惠公文集

卷九

二十

宋集珍
本叢刊

濰州昌邑縣主簿張白授大理寺丞致仕制

勅具官某向從祿仕謹身無咎今謝官政推恩惟厚
獻刑之秩顯於京曹被榮而歸寵爾衰暮

樞密直學士給事中程戡可依前給事中充端
明殿學士知益州制

朕撫馭寓內恃之久安使上澤周達遠情不壅者蓋
有賢能爲予鎮守方面爾蜀道天險劍外遼絕每委
帥臣俾之專決列城側首以承教令今之借威權託
腹心者無與爲比其於選遣豈輕也哉具官某以文

宋端明殿學士蔡忠惠公文集

卷九

二十一

宋集珍
本叢刊

中高科以材任煩使入居憲臺而豪貴斂迹往臨藩
翰而孤惇蒙福回翔禁近號爲恭謹獻納謀議關於
機宜升榮祕殿分寄益部彤勝謠俗汝嘗知之夫以
刑制民畏而不戴寬恤征賦使之便安予爾賴焉爾
其勉矣一作力

西京左藏庫使沈惟恭可遙郡刺史依舊西京

左藏庫使制

勅具官某刺部之雄在克尤重今雖遙制必勳勤威
舊者然後命之以爾早由武材久處禁職閒有疇勞

之舉與其滿歲而遷申復朝恩俾司郡契益思勉茂
用對寵靈

故石中立親孫祖冲可試監簿制

進福
文集

某人惟爾祖中立嚮以文儒恭與政柄忠樸淳謹爲
益良厚而其淪逝之日既久爾能纂緝遺篇削藁來
上追念曩輔惻然不忘京監開榮用顯存沒爾宜修
勵無忝茂恩

太常博士王璵可屯田員外郎制

勅具官某爾在邊帥幙府旣以材智贊其方畧又以

宋端明殿學士蔡忠惠公文集

卷九

二十二

宋集珍
本叢刊

經營儲粟備辦豐實按格所當宜有遷陟文昌郎位
爲仕清選用醕爾績恩澤甚茂勉務來効以答褒進
樞密院賈德明任承審可都承旨制

勅具官某等樞宥之府所承稟而宣行者皆禁密之
命必求謹厚之材乃可備於陪屬以爾等有恪愿之
資加肅給之敏麗名機務實唯勞舊按其資歷擢總
綱領勉思勤盡尚副褒寵

樞密院張繼渥可承旨制

勅某人早以材敏屬麗樞庭績延歲月之勞益敦夙

夜之恪進承旨命特示寵榮祇荷恩遷愈罄誠志

都官員外郎知坊州毋湜可侍御史制

勅具官某帝者常欲達聰明于外而與議者重於得人士大夫嘗欲獻可否於上而抱材者難於得位朕侍臣拱辰言爾湜端方有學可以備憲臺之職擢自郎署典于柱史爾以儒進當通理道之要歷更外使固知世務之本繩違正失罔戾厥中服命惟虔益楙而志

皇兄故懷州防禦使承幹可贈保靖軍節度使

宋端明殿學士蔡忠惠公文集

卷九

二十三

宋集珍
本叢刊

追封蕭國公制

勅朕嘗覽前史天子之宗族有惇良之行終始顯榮者固已稱歎况予弟兄躬是賢德存則接以恩禮歿則伸以哀禭所以勵於本支而儆于天下某官某承流慶源敏稟善性持信厚之誠而表於屬籍竭忠盡之尚而壯于藩翰天^{一作歷}年不永奄罹殞逝臨醢傷惻特加愍贈飾以節鉞之重躋夫公衮之列靈其不昧歆是休命

皇姪孫故右屯衛大將軍世崇可贈防禦使追

封侯制

勅帝道尚親所以廣恩而推愛也朕於宗籍惇睦良厚其有殞奪每加褒典具官某貴聯天屬躬蹈義訓飾行有恭靖之美嚮學有沈敏之善已叅環尹久奉禁朝遽此云亡予實汝側進扞防之使絀仍疏啓於侯封塋魂有知尚歆榮渥

追官勒停人任遠^{一作遠}

可濟州司馬致仕制

勅某官向臨征筦之局妄加刑罰於人在法所當奪官而廢憫其老疾特示寬宥^{一作優}方州典午之曹憲

宋端明殿學士蔡忠惠公文集

卷九

二十四

宋集珍
本叢刊

臺柱史之目率爲兼命宜體厚恩

晉江^{黃國儀懷}校字
徐居敬簡之

宋端明殿學士蔡忠惠公文集卷之九

宋端明殿學士蔡忠惠公文集卷之十

清裔孫 仕州詒霞甫
廷魁經五甫 校梓

制誥

崇班閣門祇候李樞可供備庫副使制

勅某官僚衆弗順寇鈔嶠南州郡用兵調發饋給爾
爲使者循行往來按視良苦升榮禁闥就總戎鈴勉
圖茂勳思對優寵

前廣信軍司理叅軍王塾可衛尉寺丞制

勅某官某國家邊陲之事必以兵師申其威武然儲

宋端明殿學士蔡忠惠公文集

卷十

一 宋集珍
本叢刊

峙廩食 一作
食要 務於流衍使者以爾勤力收斂補於漕

輓升榮京案圖厥勞効勉勵爾志以答恩渥

李宗儒可內殿承制制

勅具官某爾以武材往蒞邊堡種落懷附斥候甚明
睿言帥臣遠形需奏特升聯於殿陛俾耀寵於塞垣
勿忘欽承勉立來効

葉均可大理寺丞制

具官某官賞之法所以磨勵世俗旌拔賢材然有勞
而陟與累日而得者差異也爾治劇務復積歲功於

格應遷命丞理寺勉修成業以稱寵靈

齊州司法叅軍監秦州在城酒司馬京可衛尉

寺丞制

專筭利資以佐公上必用廉飭乃有羨贏計課應遷
京曹是踐勉尚修勵祇荷恩褒

陝西轉運使范祥追官知州制

勅具官某爾爲使者權蒞冀門建言羗酋願上土壤
國家不贏尺地之得尚安遠人之歸再屬經圖務存
久靜爾深陳便利堅請完修但知開劃之勤殊失預

宋端明殿學士蔡忠惠公文集

卷十

二 宋集珍
本叢刊

備之策致茲寇盜乘隙鈔攘興戎之端厥咎誰執奪
去一秩典臨外州實爲寬矜勿忘循省

右龍武軍大將軍克棟可右衛大將軍制

勅帝者宗屬惟是飭愿自守其履尚固可嘉矣况乎
潛心經術發揮詞業不有恩數之厚曷以勸示來者
具官某植性端靖顓務詞學屢形章牘頗較藝文給
試禁署預列名等特遷環衛之重以疇稽古之効益
思爲善以對光寵

供備庫副使李評可朝散大夫殿中丞祕書丞

宋敏修可太常博士守監簿楊慥可太祝奉禮

郎制

逐人學士試到奉聖旨與轉官

勅具官某等天下以文治而士人以詞進者爲日舊矣惟爾評生於貴戚早聞善訓綴學屬文特然有立敏修暨慥世以儒聞能名其家經術益茂命試列等粲然可觀或遷殿省之聯或舉奉常之列率一作卒爲恩渥勉務敦修

皇姪故左武衛大將軍常州團練使宗道可贈

觀察使追封侯制

宋端明殿學士蔡忠惠公文集

卷十

三

宋集珍本叢刊

勅惇睦至親故事之重褒顯令德治道之先矧惟宗藩之亡宜有哀禔之責具官某知爲善之樂篤好學之心棣附承上以光華麟定應時而信厚久司環列之重遙總州兵之雄天奪厥齡予深其悼命以觀風之重徹茲書社之榮冀汝營靈歆此恩寵

西京左藏庫副使帶御器甘昭吉可特授文思

副使制

勅具官某性質溫茂材資幹明久叅省戶之嚴仍寄帳兵之信服勞益謹第課應遷優陟使聯用推朝渥

勉敦爾志以永厥成

狄青奏平變賊有陣前陣內使喚得力人都官

員外郎鄭紆可職方員外郎右贊善大夫馮炳

可授殿中丞制

勅具官某等向以狂獠肆毒嶺嶠之南臨遣帥臣往

殄克醜一作頑克爾等皆以材敏實從征行還上功次之

條宜有遷褒之澤序升郎位擢與省丞竝爲恩榮勉

務修飭

監簿余仲荀可太常寺太祝制

宋端明殿學士蔡忠惠公文集

卷十

四

宋集珍本叢刊

勅具官某等向遣樞臣平定戎寇還上功狀之實采

一作未紀驅馳之勞爾等咸以材能嘗與軍事或進祕

邱之列或升禮寺之華勉圖進修以對光寵

入內東頭供奉官梁惟一可大將軍致仕制

勅具官某天資粹謹材幹敏明久叅宸內之聯比嘗

任使之劇日親藥劑屢易歲華備陳懇實之詞願解

信要之職擢於環尹俾遂家居終始之榮汝其至矣

大理寺丞知梅州許士廉可特授太子中舍依

舊知梅州制